



Pou Piblikasyon Imedya: 07/03/2023

GOUVÈNÈ KATHY HOCHUL

## GOUVÈNÈ HOCHUL ANONSE 31.4 MILYON DOLA POU MODÈNIZE TEKNOLOJI AK SEKIRITE NAN LEKÒL YO

*Finansman garanti gras ak Lwa sou Angajman Lekòl Entèlijan an*

*Komite Revizyon Lekòl Entèlijan yo te apwouve 61 plan envestisman*

**2 milya dola Lwa sou Angajman Lekòl Entèlijan an sipòte teknoloji nan salklas,  
koneksyon lekòl ak sekirite gwo teknoloji**

Gouvènè Kathy Hochul te anonse apwobasyon 61 Plan Envestisman pou Lekòl Entèlijan ki vize remanye edikasyon nan yon epòk ki an evolisyon ak ranfòse sekirite nan lekòl. Plan yo apwouve yo, ki bay 31.4 milyon dola an total, fè pati Lwa sou Angajman Lekòl Entèlijan (Smart Schools Bond Act) 2 milya dola a, yon pwogram teknoloji edikasyon ki konplè.

"Teknoloji ki pa efikas te yon gwo obstak pandan pandemi COVID-19 la - petèt pa gen okenn kote li te pi evidan pase nan lekòl nou yo - epi eksperyans edikatif ak sosyal elèv nou yo te soufri", **Gouvènè Hochul te deklare.** "Envestisman 31.4 milyon dola sa a pral pèmèt elèv yo jwenn aksè ak teknoloji pou ba yo opòtinite pou yo aprann nan pwòp rit pa yo pandan y ap bay eksperyans entè-aktif alafwa andedan ak andeyò salklas la."

Komite Revizyon Lekòl Entèlijan (Smart Schools Review Board) an te rankontre pou 19èm fwa jodi a pou kapab konsidere plan envestisman yo ke distri lekòl yo ak lekòl edikasyon espesyal yo te soumèt yo. Komite a gen ladan Direktè Bidjè a, Chanselye Invèsite Eta New York (State University of New York, SUNY), ak Komisè Depatman Edikasyon Eta a (State Education Department).

Komite a te apwouve plan ke 57 distri lekòl ak yon lekòl edikasyon espesyal te soumèt. Pwojè yo gen ladan 16.6 milyon dola pou sekite teknoloji avanse, 7.2 milyon dola pou teknoloji salklas, 7.1 milyon dola pou koneksyon salklas, ak 500,000 milyon dola pou teknoloji sal klas ak koneksyon lekòl nan lekòl ki pa biblik yo. Ou ap jwenn yon rezime plan yo ki disponib isit la.

Envestisman yo otorize jodi a pral ede asire sekirite elèv yo ak modènize salklas yo nan tout eta a. Zouti sekirite gwo teknoloji yo ke Lwa sou Angajman Lekòl Entèlijan yo sipòte

gen ladan sistèm kontwòl antre, sistèm vidéyo ak sistèm notifikasyon ijans nan salklas. Amelyorasyon sa yo enpòtan piske Eta a ak patnè lokal yo ap travay pou ranfòse sekirite tout espas piblik yo.

Lwa sou Angajman Lekòl Entèlijan an sipòte acha nouvo teknoloji tankou sèvè òdinatè, tablo blan entèraktif, tablèt, òdinatè biwo ak laptòp, ansanm ak koneksyon wo debi ak san fil. Zouti sa yo ede elèv yo aprann nan pwòp rit pa yo, elaji opòtinite pou eksperyans entèraktif anndan ak deyò salklas la epi ankouraje komunikasyon ant paran-pwofesè. Acha sa yo patikilyèman enpòtan apre pandemi COVID-19 la, sa k ap ede elèv yo konekte ak reyisi nan plizyè modèl aprantisaj sa gen ladan aprantisaj adistans lè sa nesesè.

**Direktè Divizyon Bidjè Eta New York la, Robert Menga, te deklare**, "Pandan n ap kontinye soti nan pètibasyon pandemi an nan salklas la, Lwa sou Angajman Lekòl Entèlijan an ap ede lekòl yo prepare elèv yo pou yo pwospere nan karyè akademik yo ak nan mendèv la. Plan yo apwouve jodi a pral amelyore sekirite lekòl la pou kenbe timoun yo an sekirite, pandan y ap bay teknoloji ak zouti amelyore pou yon salklas modèn ki konekte."

**Rektè SUNY an, John B. King, Jr., te deklare**, "Twòp elèv te soufri nan domèn edikasyon ak sosyal pandan pandemi an akoz mank teknoloji ki fyab, ak enfrastrikti pou sipòte li. Nan klas jodi a, kaye, plim, kreyon, epi menm tablo yo pa sifilan, epi yo dwe akonpaye pa tablèt, tablo blan entèraktif, ak lòt nouvo zouti. Teknoloji toujou ap evolye, epi menm jan itilizasyon teknoloji nan lekòl nou yo ta dwe eoley pou anseye. Pandan prèske yon deseni, Lwa sou Angajman Lekòl Entèlijan an te amelyore aprantisaj dijital nan bay elèv ak edikatè yo teknoloji yo bezwen pou yo reyisi."

An 2014, Eta New York te envesti 2 milya dola nan lekòl li yo atravè Lwa sou Angajman Lekòl Entèlijan an — ki se yon inisyativ k ap finanse teknoloji ak enfrastrikti edikatif, k ap bay elèv yo aksè a dènye teknoloji ak koneksyon ke yo bezwen pou yo kapab reyisi epi rivalize nan ekonomi 21yèm syèk la. Nouyòkè yo dakò, piske elektè yo te otorize Lwa sou Angajman Lekòl Entèlijan an nan mwa novanm sa.

Apre pwopozisyon Lwa Angajman an, Komisyon Lekòl Entèlijan an te etabli pou yo rasanble enfòmasyon sou estrateji k ap pèmèt lekòl yo envesti nan fon angajman yo nan fason ki pi efikas. Komisyon konsilitatif sa te rekòmande pou yo mete atansyon sou ekspansyon koneksyon wo debi ak san fil ki solid epi itilize teknoloji transfòmatif yo. Plan yo ke Komite Revizyon Lekòl Entèlijan an te apwouve jodi a te reflete anpil nan pi bon pratik ke Komisyon an te idantife yo.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)